



Reykjavíkurborg
Ráðhúsinu
101 Reykjavík

UMHVERFIS- OG
AUÐLINDARÁÐUNEYTIÐ

Skuggasundi 1 101 Reykjavík
sími: 545 8600 postur@uar.is
umhverfisraduneyti.is

Reykjavík 8. desember 2018
Tilv.: UMH15050081/43-0

Vísað er til bréfs borgarstjóra Reykjavíkur frá 21. maí 2015 þar sem ráðuneytinu er send tillaga sem samþykkt var á fundi borgarstjórnar Reykjavíkur 19. maí 2015. Með tillögunni var þeim tilmælum beint til ríkisins að rýmka reglur svo að það væri hverju sveitarfélagi í sjálfsvald sett hvernig það kysi að haga reglum um á hvaða stöðum sé leyfilegt að hafa dýr, svo sem á kaffihúsum og veitingastöðum.

Ráðuneytið leitaði m.a. umsagnar Samtaka heilbrigðiseftirlitssvæða á Íslandi. Í umsögn sinni, dags. 28. desember 2015 lögðu samtökin til að í stað þess að hverju sveitarfélagi væri í sjálfsvald sett hvar leyfilegt væri að hafa dýr yrði forræðið í málaflokknum hjá heilbrigðisnefndum og var ráðuneytið sammála þeirri nálgun þar sem það er frekar hlutverk heilbrigðisnefndar að fjalla faglega um og taka ákvarðanir um þessi mál í samræmi við lög nr. 7/1998 um hollustuhætti og mengunarvarnir auk þess sem heilbrigðisnefndir fara með eftirlit með reglugerð um hollustuhætti. Með það að leiðarljósi hóf ráðuneytið að vinna að breytingum á reglugerð nr. 941/2002 um hollustuhætti.

Fyrst var unnið að breytingu á þeim ákvæðum hollustuháttareglugerðarinnar þar sem kveðið er á um að heilbrigðisnefnd geti heimilað hvar má vera með dýr. Síðastliðið sumar var gefin út reglugerð nr. 578/2017 um (5.) breytingu á reglugerð nr. 941/2002 um hollustuhætti. Síðan var farið að vinna að þeirri breytingu á hollustuháttareglugerðinni er varðar heimildir að hleypa hundum og köttum inn á veitingastaði að uppfylltum tilteknum skilyrðum. Samfara því var gerð breyting á fylgiskjali 3 og þeim stöðum þar sem bannað er að koma með gæludýr inn á fækkað. Síðastliðið haust var gefin út reglugerð nr. 905/2017 um (6.) breytingu á reglugerð nr. 941/2002 um hollustuhætti.

19. gr. reglugerðar var m.a. breytt og hljóðar nú svo:

Óheimilt er að hleypa hundum, köttum eða öðrum dýrum inn í húsrými eða á lóðir sem fjallað er um í fylgiskjali 3, nema í eftirfarandi tilvikum:

- 1. Heimilt er fötluðu fólki að hafa með sér hjálparhunda á gististaði, veitingastaði, í skóla, á snyrtistofur og hársnyrtistofur, heilbrigðisstofnanir, íþrótt- og baðstaði, fangelsi, verslunar- miðstöðvar og samkomuhús, enda sé hinum fatlaða einstakling ótvíræð nauðsyn að hjálparhundi. Hundurinn skal merktur*

- sem hjálparhundur og hinn fatlaði einstaklingur skal hafa leyfi fyrir honum í samræmi við ákvæði í samþykktum einstakra sveitarfélaga.
2. Heilbrigðisnefnd er heimilt, að fenginni beiðni hlutadeigandi stofnunar, að veita leyfi til að halda hunda, ketti og önmur gæludýr á heilbrigðisstofnumum.
 3. Heilbrigðisnefnd getur heimilað að farið sé með gæludýr inn í stofnanir, svo sem skóla eða bókasöfn, í afmarkaðan tíma. Kveða skal á um slíkt í starfsleyfi eða gefa út einstakt leyfi fyrir stakar heimsóknir ef slíkar heimsóknir eru ekki með reglubundnu millibili. Í skilyrði slíks starfsleyfis eða leyfis skal m.a. kveða á um heilbrigði og hreinsun dýrsins, leyfi sem dýrið skal hafa, tíma sem dýrið dvelur á staðnum hverju sinni, hvar dýrið má vera í húsnæði stofnunarinnar og þrif á húsnæði. Fullnægjandi þrif skulu fara fram strax að loknum viðburði. Sé um að ræða hund eða kött skal upplýsa greinilega í fjórar vikur eftir að viðburði er lokið að hundur eða köttur hafi verið í húsnæðinu.
 4. Heilbrigðisnefnd getur heimilað að farið sé með dýr inn í íþróttamannvirki þar sem aðstaða er til íþróttaiðkunar, t.d. á ís vegna sýninga eða keppni. Kveða skal á um það í starfsleyfi íþróttamannvirkisins eða gefa út sérstakt starfsleyfi fyrir einstakar sýningar eða keppni ef slík starfsemi er ekki með reglubundnu millibili í íþróttamannvirkinu. Umhverfisstofnun skal gefa út leiðbeiningar um skilyrði slíks starfsleyfis. Að sýningu eða keppni lokinni skal upplýsa gesti sem koma í íþróttamannvirkið um að í húsinu hafi verið dýr og hvaða dýr um ræðir þannig að þeir sem haldnir eru ofnæmi þurfi ekki að verða fyrir óþægindum. Í starfsleyfi skal setja skilyrði sem á að uppfylla fyrir hverja sýningu eða keppni.
 5. Sé starfsleyfisskyld starfsemi rekin á einkaheimili, svo sem heimili fyrir fatlað fólk eða sumarheimili fyrir börn, þar sem gæludýr eru haldin getur heilbrigðisnefnd heimilað slíka starfsemi að því gefnu að það sé kynnt með skýrum hætti þannig að gestum sé ljóst að dýr séu á heimilinu.
 6. Heimilt er eigendum eða rekstraraðilum veitingastaða, svo sem matsölustaða og kaffihúsa, að leyfa að komið sé með hunda og ketti inn á veitingastað að uppfylltum eftirfarandi skilyrðum:
 - a) Ætíð skal taka mið af hagsmunum gesta og velferð dýranna.
 - b) Til að upplýsingar um að hundar og kettir séu leyfð á veitingastað séu vel sýnilegar gestum áður en gengið er inn á veitingastað skulu þeir eigendur eða rekstraraðilar sem leyfa að hundar og kettir komi inn á veitingastaði auglýsa það á áberandi hátt á húsnæðinu sjálfu utan dyra sem innan, og á vef hlutadeigandi fyrirtækis að heimilt sé að koma með hunda og ketti inn á staðinn.
 - c) Tryggja skal að hundar og kettir séu einungis í veitingasölum veitingastaðar og ekki þar sem matvæli eru tilreidd, meðhöndluð eða geymd. Geymsla, undirbúningur og framleiðsla matvæla fer samkvæmt ákvæðum reglugerðar um gildistöku reglugerðar Evrópu-þingsins og ráðsins (EB) nr. 852/2004 um hollustuhætti sem varða matvæli. Heilbrigðisnefnd getur sett ítarlegri ákvæði í starfsleyfi, m.a. um mat á áhættu.

Heimild skv. 1. mgr. gildir hvorki um mótuneyti né veitingastaði þar sem mæting er ekki valfrjáls og á stöðum þar sem fólki er gert að sækja þjónustu. Þá gildir heimild þessi ekki sé aðstaða veitingastaðar að einhverju leyti sameiginleg með annarri starfsemi eða á stað þar sem óheimilt er að hleypa gæludýrum inn á.

Eigendur eða rekstraraðilar veitingastaða sem nýta sér heimild skv. 1. mgr. skulu, með sannarlegum hætti, tilkynna það til hlutadeigandi

heilbrigðisnefndar.

Eigendum eða rekstraraðilum veitingastaða er jafnframt heimilt að visa frá viðskiptavinum með gæludýr.

Búpening má hvorki hafa í híbýlum manna né í öðrum húsum nema þeim sem til þess eru ætluð.

Fylgiskjal 3 með reglugerðinni orðast nú svo:

Óheimilt er að hleypa hundum, köttum og öðrum gæludýrum inn á eftirfarandi staði, nema að fengnu tímabundnu leyfi heilbrigðisnefndar, sbr. 19. gr.:

Heilbrigðis- og meðferðastofnanir, svo sem lækna- og tannlæknastofur, sjúkrahús og aðgerðarstofur, sjúkráþjálfun

Skóla og leikvelli

Fangelsi

Íþróttastöðvar, íþróttahús, baðstaði og heilsuræktarstöðvar

Snyrtistofur, nuddstofur, sólbaðsstofur og húðflúrstofur

Samkomustaði, svo sem kirkjur, leikhús, tónleikasalir, söfn og

kvikmyndahús

Gististaði í flokki II, III og IV samkvæmt lögum um veitingastaði, gististaði og skemmtanahald

Mötuneyti

Sumarbúðir fyrir börn


Almenningssamgöngutæki

Heimilt er þó að fara með gæludýr inn í íþróttamannvirki, heilbrigðisstofnanir, snyrtistofur og aðra starfsemi sem sérstaklega er ætluð dýrum.

Um matvælafyrirtæki fer samkvæmt ákvæðum reglugerðar um gildistöku reglugerðar Evrópuþingsins og ráðsins (EB) nr. 852/2004 um hollustuhætti sem varða matvæli.

Það tilkynnist hér með að ráðuneytið hefur orðið við þeim tilmælum sem beint var til ríkisvaldsins í áðurnefndri tillögu borgarstjórnar Reykjavíkur.

Fyrir hönd ráðherra



Sigurbjörg Sæmundsdóttir

Afrit:

Samband íslenskra sveitarfélaga